

TRONCO DILANTI CAS DI CULTURA HOMENAHEA

STA. CRUZ -- - Diabierna atardi 6:30 or lo tin homenahe na e “Tronco di Cultura” riba e cama di yerba dilanti Cas di Cultura cu na mes momento ta un homage na nos Kwihi,.

Na fin di September 2000, e Aleman Guntram Prochaska cu su zaag electronico den un rato di tempo a crea un pieza di arte di un tronco di kwihi di mas di 3 meter halto. Den e tronco aki el’a corta cantidad di cara y di ki banda cu mira e tronco, tin

caranan ta mirabo.

Prome cu esey, riba Plaza Daniel Leo, el a crea e obra mas chiquito cu a ser yama: “Simbolo di paz” cual pa hopi aña por a mira den lobby di Cas di Cultura. Por corda con el’a duna di conoce cu den tur pais cu e bishita, e ta crea un obra pero cu na Aruba ta prome biaha cu e zaagnan a bira stompi. El’a custumbra di traha cu palo moli pero na Aruba a topa cu e kwihi cu a dune dolor di cabez y tur zaag cu el a usa a

bira stompi.

Den cuadro di e di XIV Festival Internacional di Teatro di Aruba, FITA 2008, lo tin un homenahe diabierna awor dilanti Cas di Cultura, cu presentacion di varios artista hunto cu e delegacionnan di exterior cu ta participa den e e festival di teatro. Por corda ainda cu pa e tronco aki, Sr. Ramon Sharpe a crea un poesia, y esaki lo wordo recita tambe diabierna awor y den varios idioma.